

Universitätsbibliothek Paderborn

Antonii Bynaei de Calceis Hebraeorum Libri Duo

Bynaeus, Anthony

Dordraci, 1682

Cavit Deus ut essent calceati, ne in calceis foret mora, cum ab Ægyptiis
expellerentur.

urn:nbn:de:hbz:466:1-12835

Pariter veteres , cum domi latibant , discalceati fuerunt , qui tamen ubi foras prodeundum , aut iter aliquod suscipiendum esset calceos sumebant . Id Deus cavit ut etiam facerent ea nocte , quæ agnum Paschalem comesuri erant , atque ut lumbos succinatos & baculos in manibus eos habere jussit , ita etiam de calceis præcepit . Ad omnia enim voluit paratos , quæ ad iter suscipiendum requirebantur , ne si festinanter ab Ægyptiis expellerentur , de re aliqua forent solliciti . Quare additum quoque est , ut agnum ^{יְהוָה} in festinatione comedenter , ne cæna media tantum peracta excedere cogerentur . Quorum omnium rationem hanc dedit Deus : Pascha est Jēhovæ , & transibo hac nocte terram Ægypti , & percutiam omnes primogenitos in terra Ægypti ab homine usque ad iumenta . Hæc enim verba manifestam continent eorum rituum rationem , quos præcepit Deus : Quasi dicat , omnibus rebus oportet vos instructos , quæ ad iter aggrediendum requiruntur , ut , quod solent viatores , & lumbos

bos succinctos, & calceos in pedibus, & baculos in manibus habeatis, & agnum edatis festinanter. Est enim Pascha, sive transitus Jehovæ, & ego hac nocte omnium primigenitorum diro interitu universam Aegyptum reddam funestam, unde vos Aegyptii, tot mortibus territi, coacturi sunt ad celerem exitum, imo fere finibus suis ejecturi. Quare nullam in vobis moræ causam volo, ut vel lumbos succingere, vel calceos induere, vel baculum capere sit necesse. Hæc mihi semper visa est huius instituti ratio. Quod quidem ex eo confirmari potest, quod ad primum Pascha in Aegypto celebratum, Judæorum magistri hunc ritum tantum pertinuisse volunt. Quorum opinio nequaquam caret evidenti ratione, cum plurima suadeant non pertinuisse ad religionem festi, sed symbola fuisse instantis itineris. Sane hi ritus nunquam in legibus anniversariis de Pascha te repetuntur. Sunt videlicet, ut & sanguinis aspersio, pro illo tantum tempore imperati. Quare & à Judæis, dum Pascha suum celebrant,